

**Literarna sekcija OŠ „Hilmi ef. Šarić“**  
Školska 2019 / 2020. godina

### **Literarni radovi učenika povodom Međunarodnog dana učitelja**

#### **DANAS JE DAN KAD KAŽEM: HVALA!**

Draga nastavnice,

u danu kada cijeli svijet izgovara riječi hvale svojim učiteljima i sama ih tražim u svom čistom srcu da bih vam iskreno zahvalila za sve ono što činite za nas.

Znate li da nije lahko pronaći prave riječi kojima bih obuhvatila sve vaše osobine, a istovremeno reći nešto što vam već nisu kazali, stoga ću jednostavno govoriti iskreno iz srca.

Hvala vam što postojite takvi kakvi jeste – blagi, smireni, a istovremeno strogi. Hvala što nikada niste, i znam da i nećete nimalo štedjeti sebe neumorno nam prenoseći svoje veliko i dragocjeno znanje.

Hvala što strpljivo i zajedno koračate s nama da bismo jednoga dana i mi djeca postali veliki obrazovani i humani ljudi jer, vi nas samo ne obrazujete, nego nas odgajate i učite humanosti. Sa vama izgrađujemo i cijenimo istinske moralne vrijednosti, a vi nam o tim vrijednostima govorite služeći se tako lijepim i zanimljivim primjerima iz života da to trajno ostaje upisano u našoj svijesti.

Velika vam hvala i što ste strogi - jer kad vas krišom pogledam ispod oka, znam da se u vama krije veliko i toplo srce za svu djecu i da je vaša strogoća za našu dobrobit. Moja majka kaže da vi ustvari niste strogi, nego ste samo ustrajni u onome što želite da zajedno postignemo. I ona je takva, zato vas i razumije. Kaže da je za dijete dobro imati pred sobom nekoga poput vas, nekoga ko ima toliko snage i odlučnosti da svakodnevno i godinama ponavlja iznova novim generacijama upute, savjete, zahtjeve i sve to čini sa radošću početnika. Meni izgleda da vi nikad ne posustajete i da ne odustajete od svojih ciljeva i snova - i zbilja bih se razočarala kad bih saznala da nije tako.

Hvala vam što tako snažno vjerujete da mi - još uvijek mali ljudi - možemo postići mnogo i ostvariti i najveće i najteže ciljeve i što to svoje ubjeđenje tako snažno prenosite na nas kako bismo sa samopouzdanjem koračali kroz život.

Hvala vam što vjerujete u naše sposobnosti i mogućnosti čak i kad ponekad odlutamo u svom - još uvijek malom svijetu snova - jer mi i u najvećim dječijim ludostima znamo da iza nas stoji naša najbolja i najbrižnija nastavnica koja se - poput vojnika na straži što odano čuva svoju zemlju - brine o nama.

Sada sigurno znam da ću kada porastem željeti biti kao vi. Podjednako želim imati i vaše vrline i vaše mane pa da se jednoga dana kao i vi svim srcem brinem o obrazovanju i pravima djece, jer nama je potrebna pažnja i ljubav koju vi strpljivo godinama dijelite djeci.

Draga nastavnice,

u vama vidim sve moje bivše i buduće učitelje koje neizmjereno cijenim zbog onoga što rade i stoga vam ponovo - u ime svih generacija koje ste uspješno izveli na ispravan životni put - ne jednom, nego stotinu puta HVALA!

*Samra Muhibić, VII 2*

Literarna sekcija OŠ „Hilmi ef. Šarić“

Školska 2019 / 2020. godina

**Literarni radovi učenika povodom Međunarodnog dana  
učitelja**

**Učitelj**

Od prvih naših đачkih klupa,  
stvaraju se naši snovi,  
neki su uvijek bili dio nas,  
a neki naši ciljevi su novi

Za svaki naš uspjeh  
zaslužna je jedna ohrabrujuća ruka,  
a svaki naš korak naprijed  
uz njega je oslobođen napora i muka.

Učitelj svaki svoga đaka bodri,  
daje mu vjeru u put kojim će poći,  
astronauta vodi ka putu u svemir  
uz pravog učitelja sve je moguće postići.

Svoje snove još sanjarim,  
nisam sigurna kojim putem želim poći,  
ali uz svog učitelja  
vjerujem da ću sve postići.

*Sumeja Smajić, VII 3*

**Literarna sekcija OŠ „Hilmi ef. Šarić“**  
Školska 2019 / 2020. godina

**Literarni radovi učenika povodom Međunarodnog dana  
učitelja**

**Rastanak sa učiteljicom**

Riječi ne mogu opisati  
ono što ste nas vi naučili.  
Nisu to samo brojke i slova,  
već mnogo, mnogo toga.

Dolazi polahko i taj dan  
kad ćemo se rastati.  
Učiteljice moja, vi znate  
iako suze neću liti, tužan ću biti.

Nikad vas neću zaboraviti  
jer ste nam mnogo toga dali.  
Nadam da ćete i dalje  
kao prijatelj uz nas biti.

*Selmin Tabak, V 1*

**Literarna sekcija OŠ „Hilmi ef. Šarić“**  
Školska 2019 / 2020. godina

**Literarni radovi učenika povodom Međunarodnog dana  
učitelja**

## **Moja učiteljica**

Moja učiteljica je lijepa  
poput proljetog cvijeta.  
Naušnice s draguljima nosi  
i njima se ponosi.

Kosa joj blista dok priču nam čita.

Glasom najljepšim svoj razred hvali  
iako smo odrasli, za nju smo još mali.

***Belma Fazlibašić, V 1***

**Literarna sekcija OŠ „Hilmi ef. Šarić“**  
Školska 2019 / 2020. godina

**Literarni radovi učenika povodom Međunarodnog dana  
učitelja**

## **Moja učiteljica**

Moja učiteljica zove se Alma.  
Vitka je ko jela.  
Ko Snjeguljica je lijepa.

Ona se od jutra do sutra  
sa nama muči.  
Trudi se što više da nas nauči.

***Elvedina Uzun, V 1***

Literarna sekcija OŠ „Hilmi ef. Šarić“  
Školska 2019 / 2020. godina

Literarni radovi učenika povodom Međunarodnog dana  
učitelja

## Učiteljica moja

Učiteljica moja sva vesela zbori:

1, 2, 3 naučite vi!

Abecedu svi nek znaju  
ko pjesmu da otpjevaju!

*Nejla Oputa, V 1*

**Literarna sekcija OŠ „Hilmi ef. Šarić“**  
Školska 2019 / 2020. godina

**Literarni radovi učenika povodom Međunarodnog dana  
učitelja**

### **Naša učiteljica**

Naša učiteljica je najbolja,  
bila nam je svima kao majka.  
Svi dani s njom provedeni  
bili su nam kao bajka.

Učila nas je da dobro pobjeđuje zlo,  
a uspjela nam je i pokazati to.

Kroz život idem sigurna u sebe  
jer znam da je ona tu.  
Ona će biti uz nas, učenike svoje,  
i zato mnogo volimo nju.

***Emelina Džambas, V 1***

**Literarna sekcija OŠ „Hilmi ef. Šarić“**  
Školska 2019 / 2020. godina

**Literarni radovi učenika povodom Međunarodnog dana  
učitelja**

### **Moja učiteljica**

Kada moja učiteljica u učionicu uđe  
nasmijanog lica,  
ona nas uči  
brojke i trojke.

U školi nije bajka  
zato nam je ona druga majka.  
Uči nas kulturi  
i obrazovanju  
nju svi znaju.

U školi kada si - veseli se,  
a kada si u kući - uči.

***Edita Čomor, V 2 i Emina Džambas, V 2***